
OFFERYNNAU STATUDOL CYMRU

2007 Rhif 856 (Cy.79) (C.34)

GALLUEDD MEDDYLIOL, CYMRU

**Gorchymyn Deddf Galluedd Meddyliol
2005 (Cychwyn) (Cymru) 2007**

<i>Wedi'i wneud</i>	- - -	<i>13 Mawrth 2007</i>
<i>Yn dod i rym</i>		
<i>At ddibenion erthygl 3</i>		<i>1 Gorffennaf 2007</i>
<i>At ddibenion erthygl 4</i>		<i>1 Hydref 2008</i>
<i>At bob diben arall</i>		<i>1 Hydref 2007</i>

Mae Cynulliad Cenedlaethol Cymru, drwy arfer y pwerau a roddwyd iddo gan adran 68(2) o Ddeddf Galluedd Meddyliol 2005(1) drwy hyn yn gwneud y Gorchymyn canlynol:

Enwi a dehongli

1.—(1) Enw'r Gorchymyn hwn yw Gorchymyn Deddf Galluedd Meddyliol 2005 (Cychwyn) (Cymru) 2007.

(2) Mae'r Gorchymyn hwn yn gymwys o ran Cymru.

(3) Yn y Gorchymyn hwn ystyr "y Ddeddf" ("the Act") yw Deddf Galluedd Meddyliol 2005.

Cychwyn

2. Yn ddarostyngedig i erthyglau 3 a 4, daw adrannau 30 i 34 (ymchwil) o'r Ddeddf i rym ar 1 Hydref 2007.

3. Daw adrannau 30 i 34 o'r Ddeddf i rym ar 1 Gorffennaf 2007 at ddibenion galluogi ceisiadau ar gyfer cymeradwyaeth o ran ymchwil i gael eu gwneud i gorff priodol ac i gael eu penderfynu ganddo.

4. Daw adrannau 30 i 34 o'r Ddedd i rym ar 1 Hydref 2008 o ran unrhyw ymchwil a gaiff ei wneud fel rhan o brosiect ymchwil—

(a) sydd yn dechrau cyn 1 Hydref 2007; a

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(b) sydd yn cael ei gymeradwyo cyn 1 Hydref 2007 gan bwyllgor a sefydlir i gynghori ar foeseg ymchwil, neu ar faterion sy'n cynnwys moeseg ymchwil mewn perthynas â phobl nad yw'r galluedd ganddynt i gydsynio iddo.

5. Daw adrannau 35 i 41 (gwasanaeth eiriolwr annibynnol galluedd meddyliol) o'r Ddeddf i rym ar 1 Hydref 2007.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(2).

13 Mawrth 2007

D. Elis-Thomas
Llywydd y Cynulliad Cenedlaethol

EXPLANATORY NOTE

(Nid yw'r nodyn hwn yn rhan o'r Gorchymyn)

1. Mae'r Gorchymyn hwn yn cychwyn adrannau 30 i 41 o Ddeddf Iechyd Meddwl 2005 (p.9) (“y Ddeddf”) o ran Cymru.
2. Mae erthygl 2 yn dwyn adrannau 30 i 34 i rym ar 1 Hydref 2007 o ran ymchwil a gaiff ei wneud fel rhan o brosiect a ddechreir ar neu ar ôl 1 Hydref 2007.
3. Mae erthygl 3 yn dwyn adrannau 30 i 34 i rym ar 1 Gorffennaf 2007 at ddibenion galluogi ceisiadau ar gyfer cymeradwyaeth o ran ymchwil i gael eu gwneud i gorff priodol ac i gael eu pernderfynu ganddo.
4. Mae erthygl 4 yn darparu pan fo prosiect ymchwil wedi dechrau cyn 1 Ebrill 2007 ac wedi'i gymeradwyo cyn y dyddiad hwnnw ni fydd adrannau 30 i 34 yn dod i rym tan 1 Hydref 2008.
5. Mae erthygl 5 yn dwyn adrannau 35 i 41 i rym ar 1 Hydref 2007.